

S. VIII. 33.

CARMINA GRATULATORIA

In honorem nuptiarum.

Reverendi, Doctissimi ac humanissimi VIRI,

DN. M. IOHANNIS

NICOLAI FERBERI,

Ecclesiæ Wangerinensis pastoris dignissimi,

SPONSI

ET

Pudicissimæ Virginis

ELISABETHÆ,

VIRI Clarissimi, Prudentissimi & Consultissimi

DN. MICHAELIS FRANKEN/

quondam Illustrium Archidicasteriorum

Pomeraniæ Advocati & Reipub. Sedinensium

Senatoris, relictæ filiæ,

SPONSÆ,


Scripta.


ab

AMICIS.



STETINI, EXCUDEBANTUR LITERIS GEORGII
GOETSCHII, Anno 1629.





Vnius uxoris Mystam jubet esse Maritum.
Paulus, at hunc illam tangere Papa vetat.
Utri assentiris? tibi certè Oracula Pauli,
Sponsæ, placere magis, reque fideque probas.
Et rectè: Quis enim dubitet postponere nugas
Vani Hominis, Sacri Flaminis eloquio?
Credere perge DEO, sis castus, Mysta, maritus,
Pasce gregem, fugito scandala, saluus eris.

M. JOACHIMUS PRÆTORIUS
Ecclesiastes & Professor illustris
Pædagogij.

Sponsi candidulis genis venusti,
Sponsi molliculis genis tenelli
Ut ludunt! tacitis calèntne flammis?
Quidni! quîs tener ignis usq; & usq;,
Usq; & mollibus ardet in medullis,
Usq; & fulgidulis micat favillis,
Nos læti Cyprios dolos jocosq;
Quos lingvis jaciunt vagisq; ocellis
Quos miscet, lepidoseruntq; gestu
Spectamus, simul & monemus: ite,
Sponsi in gaudia, mutuos fovere,

Risus, blandidulum movete murmur,
Cunctis læticiam probate vestram.
Nil non eximios ferat lepores,
Nos Jovam interea precamur omnes,
Fata ut Conjugium vehant secunda;
Ut proles numerosa, vita longa,
Et pax perpetuos colens amores
Sponsos exhilaret, beet, juvetq;

*Testanda vera amicitia
causâ fecit.*

M. MARTINUS LEUSCHNERUS,
Ducal. Gym. Rector & Philosoph.
Professor.

Velle maritali vinciri aut nolle capistro,
Humano nunquam pendet ab arbitrio.
Fata regūt homines, fato junguntur amātes;
Omnia sunt fatis subdita; fata regunt.
Fata reluctantes vincunt, & pectora flectunt:
Quæ faciēda, docent; quæ fugienda, monent.
Sæpius incautum peregrinas ducere ad oras
Fata solent, magnum per mare fata trahunt.
*Nonnè peregrinâ Sacram regione Tobias
Cœlesti Genio concomitate capit?*

Excm.

*Exemplar vivum nobis es, docte Magister,
Quem fata buc patrijs usq; tulere focis.
Patria te primum teneris eduxit ab annis,
Primaq; virtutum semina larga dedit,
Leucoris alma tuum studium promovit & auxit,
Thêiologum regio te Pomerana facit.
Sic te fata trahunt; ferit hic tibi pectus ab alto
Cypridos ille puer, complet & igne novo:
Franci genæ ut magno flagres in amore puella,
Quam sociam lecti poscis habere tui.
Non fuit illa prius tibi cognita dulcis Amice,
Nec tamen ulla mora est jungitur illa tibi.
Tanta est vis fati; tanta est moderatio fati,
Nil fato totus certius orbis habet.
Ergo piam, Ferbere, tuam nunc accipe Sponsam
Quam pia præ reliquis fata dedere tibi.
Moribus est placidis, virtutibus aucta, modesta:
In facie casti signa pudoris habet.
Virgo viro tali, tali vir virgine dignus:
Connubio stabili vos pia fata ligent.*

*Amoris & honoris ergo
scribebat*

*PETRUS NEOMARCUS, P. L.
Illustrium Archidicasteriorum Pome-
ranie Advocatus & Reipub. Sedinen-
sium Scabinus.*

AD veteres misit tua te, FERBERE, Sedinos
Argyrope, clarus te dans genitoribus ortum;
Misit, at infausto nequaquam fidere misit.
Spe citius gemini tibi namq; parantur honores:
Pastor sistéris templo, domuiq; maritus.
Num natale solum (dic) num Pomeranidos oræ
Munera contribuisse tibi majora videntur?
Pluribus hæc agerem tecum, nisi rumpere cœptam
Me telam facerent operarum munia nota,
Oblatæq; frequens interpellatio chartæ,
Quâ pubes mentem mihi, sensaq; turbat in horas.
Votô claudo brevi, sortem gratatus utramq;
Te Pastore, precor, grex cœlica pabula carpat;
Teq; Parente torus felicia pignora promat.

** Ευολας έβραη έγγ.*

M. HEINRICUS KIELMANNUS,
Gr. L. & Poës. Prof. & ConR. in
Duc. Pedag. Stet.

Conjugium est Schola sacra crucis Rectore Jehovah.
Discipuli hic duo sunt, scemina juncta mari.
Præceptor Deus est, qui cuilibet imperat, idemq;
Exigit à quovis pensa statuta Crucis.

Hanc

*Hanc quia discipulus cum Sponsâ doctæ Magister
Ingredieris, quid ages? Hoc age, disce pati.*

*Dum sua Vir peragit, patitur: patiēdo laborat
Fœmina, Sponsæ feras, quæ patiēda viris.*

*At Tu proficias geminâ Elisabetta quotannis
Prole. Ita conjugium fit schola sacra crucis.*

Sponsis novellis συγχαίρων fac.

M. SIMON URSINUS
Ducal. Pedag. Profess.

Nunc armatus adest, nunc dira ad praelia
quivis [natur,

Currit, & ense ferox, ignemq; necemq; mi-

Nunc turmas urget sua per taratantara Mavors,

Cinctus romphæâ canit arma, & spicula vibrat,

Tàm contra afflìctos quàm lætos dirigit hastas,

Nil nisi bellorum motus nunc undiq; gliscunt!

At Charites aliud motantq̃; rotantq̃; duellum,

Cuî svavi applaudunt cantû simulacra Deorum,

Cuî Venus alma favet, Phœbi & ter trina propago,

Et cui lætus adest Hymen, & blandissima Juno;

Optatam quare vegetanti corpore mentem.

Indue, & i fubitò quò Te Tua Nymphula ducit,

Injice fraternum, quod poscit Sponsula, telum, &

Queis

Quæis præmit Elifabetha Tuas, cape basia, mālās,
SPONSE, ita non raris stabit FERBERICA ramis
ARBOR, sed crescent Tibi GERMINA grata
quotannis,
GERMINA, quæis cordis poteris lenire dolorem.
Hæc præcor: At Deûs alme meis benedicito
Votis.

*Sic bonæ Scævæ ergo cum novis
nuptis ludebat*

JONATHAS HARTWIGIUS
Stolpa-Pomer.

F I N I S.





921116 **Bibliotheca** 105 000
P.P. Camaldulensium in Bielany

Depozyt w Bibliotece Jagiellońskiej



06393

S.VII.33

